

# Un Populu Ùn hè Vintu

Un Populu ùn hè vintu tantu chì lotterà  
Un Populu ùn hè vintu tantu chì lotterà

A forza di dice è a forza di fà  
Tuttu per cunvince di a nostra indignità  
A forza di dice ch'ùn c'hè più nunda à fà  
Ch'à populu vintu nimu ùn lu pò salva  
A forza di lampacci un'à unu in priggiò  
Cun li sò basterdacci muti eranu i sgiò  
U populu intimuritu ùn vulia parlà  
Ascultava u banditu chì ci vole ingannà  
Un Populu ùn hè vintu tantu chì lotterà  
Un Populu ùn hè vintu tantu chì lotterà

Mà a voce di a notte ripiglia à tunà  
Saetta da li monti, sempre pronte à pichjà  
Quandu l'inghjustizia ci vole castigà  
U populu, u fratellu, a santa libertà  
Mà a voce di l'alba ci dice di sperà  
Rinasce a fratellenza fiatu di dignità  
Di donn'è omi arritti, per a verità  
L'idea indipendenza mai ùn cascherà  
Un Populu ùn hè vintu tantu chì lotterà  
Un Populu ùn hè vintu tantu chì lotterà

Mà u sognu ùn hè mortu, a fiaccula libertà  
In core d'ogni corsu a strada si ferà  
S'adduniscenu l'omi è cresce a vulintà  
Di fà l'unione corsa per insieme lottà  
Mà u sognu ùn hè mortu, u sole luce digià  
È u populu unitu ripiglia à marchjà  
In pettu à lu francese, sta sola verità  
Un Populu ùn hè vintu tantu chì lotterà  
Un populu ùn hè vintu tantu chì lotterà

Un Populu ùn hè vintu tantu chì lotterà

Un Populu ùn hè vintu tantu chì lotterà